

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

Broj: 01-05-2570/17
Sarajevo: 11.05.2017. godine

Bosna i Hercegovina-Federacija Bosne i Hercegov.
Kanton Sarajevo - GRAD SARAJEVO
GRADSKO VIJEĆE

PRIM. LISTA:		15-05-2017	
Broj lista	Broj	Prilog	Vrijednost
	01-05-852/17		JPI

GRADSKO VIJEĆE GRADA SARAJEVA
N/r Igor dr. Gavrić, predsjedavajući

Predmet: Odgovori na vijećnička pitanja i inicijative sa Druge sjednice Gradskog vijeća, dostavljaju se

Poštovani,
u prilogu dopisa, dostavljam Vam odgovore na vijećnička pitanja i inicijative sa Druge sjednice Gradskog vijeća, te Vas molim da odgovore dostavite vijećnicama i vijećnicima na Četvrtu sjednicu Gradskog vijeća Grada Sarajeva, koja će se održati 31.05.2017. godine.



Dostaviti:

- Imenovani
- a/a

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; Fax: +387 33 208 341
e-mail: grad@sarajevo.ba; web: www.sarajevo.ba



EYOF 2019
Sarajevo & East Sarajevo



ODGOVORI
NA VIJEĆNIČKA PITANJA I INICIJATIVE
SA DRUGE SJEDNICE GRADSKOG VIJEĆA

Sarajevo, maj 2017. godine

Lana Velić, vijećnica, postavila je vijećničko pitanje vezano za organizaciju organa uprave.

Odgovor:

Odluka o organizaciji i djelokrugu organa uprave i upravne organizacije Grada Sarajeva broj: 01-34-452/17 od 03.02.2017. god. („Službene novine Kantona Sarajevo“, broj: 07/17) koju je donio tadašnji gradonačelnik g. Ivo Komšić donesena je na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06). Dakle, istu nije donijelo Gradsko vijeće Grada Sarajeva.

Obzirom da se prilikom donošenja navedene Odluke o organizaciji i djelokrugu organa uprave i upravne organizacije Grada Sarajeva postupilo suprotno odredbama Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i odredbama Statuta Grada Sarajeva ("Službene novine Kantona Sarajevo", broj: 34/08 – Prečišćeni tekst) kojima je propisano da se Gradski organi uprave i gradske upravne organizacije osnivaju i njihov djelokrug utvrđuje odlukom gradskog vijeća o organizaciji i djelokrugu gradskih organa uprave i upravnih organizacija, gradonačelnik g. Abdulah Skaka je donio Odluku o stavljanju van snage Odluke o organizaciji i djelokrugu organa uprave i upravne organizacije Grada Sarajeva broj: 01-05-1421/17 od 16.03.2017. god. („Službene novine Kantona Sarajevo“, broj: 11/17).

Barbara Peleš Stroil uputila je vijećničku inicijativu da se u Budžet Grada Sarajeva za 2018. godinu uvrsti Grant međunarodne saradnje.

Odgovor:

Pomoćnica Gradonačelnika za finansije je na navedenu inicijativu dala usmeni odgovor na samoj sjednici Gradskog vijeća.

Vibor Handžić, vijećnik uputio je vijećničku inicijativu sljedećeg sadržaja:

„Traži se od Gradonačelnika da Klubu gradskih vijećnika Naše stranke dostavi sve provedbene akte koje je donio Gradonačelnik, a vezano za Odluku o privremenom upravljanju Vijećnicom kako bi Klub gradskih vijećnika imao uvid u navedene provedbene akte koje je raniji Gradonačelnik donosio.“

Odgovor:

Dopisom broj: 01-05-2477/17 od 05.05.2017. godine, Gradonačelnik je tražene akte dostavio Klubu gradskih vijećnika Naše stranke.

Samir Fazlić, vijećnik, je uputio vijećničko pitanje sljedećeg sadržaja:

„Obzirom da je Grad Sarajevo u predhodnoj godini izvršio podjelu stipendija za učenike srednjih škola i da je javni poziv za dodjelu stipendija za ovu školsku godinu bio raspisan u januaru mjesecu, a primiče se kraj školske godine, bilo bi dobro da se ubrza proces odlučivanja i stipendije dodjele. Je li moguće proces završiti tako da se stipendije dodjele do kraja tekuće školske godine“?

Odgovor:

Gradska uprava Grada Sarajeva drugi put samostalno realizira projekat “Stipendiranje učenika srednjih škola”, a stipendije u iznosu od 900,00 KM dodjeljuju se za školsku 2016/2017. godinu. Ovogodišnji Konkurs raspisan je 06.02.2017. godine, a posljednji dan predviđen za prijavu bio je 21.02.2017. godine. Služba za obrazovanje, kulturu i sport je

sve zaprimljene prijave obradila i analizirala u skladu sa kriterijima za dodjelu stipendija utvrđenih Pravilnikom o dodjeli stipendija, odnosno uslovima navedenim u Konkursu.

Komisija za razmatranje, obradu i analizu pristiglih prijava na Konkurs za dodjelu stipendija iz sredstava Budžeta Grada Sarajeva za 2017. godinu, koja je imenovana Rješenjem gradonačelnika broj: 01-05-1733/17 od 29.03.2017. godine, odnosno Odlukom Gradskog vijeća Grada Sarajeva broj: 01-02-454/17 od 03.03.2017. godine, održana je 05.04.2017. i 10.04.2017. godine. Nakon čega su Zapisnici sa zaključcima i prijedlozima dostavljeni na saglasnost Gradonačelniku grada Sarajeva.

Služba za obrazovanje, kulturu i sport potom je sačinila 95 pojedinačnih Ugovora o stipendiranju, koje su potpisali gradonačelnik i učenici, odnosno njihovi roditelji/staratelji. Zvanično uručenje Ugovora stipendistima Grada Sarajeva upriličeno je 24.04.2017. godine u Vijećnici, a 28.04.2017. godine sve stipendije su isplaćene u cjelosti, čime je uspješno okončana realizacija projekta "Stipendiranje učenika srednjih škola" za 2016/2017. godinu.

Vedran Dodik, vijećnik, uputio je vijećničko pitanje sljedećeg sadržaja:

„Potrebno je da Gradonačelnik utiče na Službu za finansije, da konačno „otkoči“ proces isplate grantova političkim partijama i klubovima, budući da nema smetnji za realizaciju ovih sredstava. Jasno je da se sredstva predviđena grantom dijele na 30, 60 i 10 posto. Od ukupnih sredstava planiranih za ove namjene, 30% se dijeli svakoj stranci jednako, 60% na broj vijećnika koji su obrazovali klubove i 10% prema zastupljenosti manjinskog spola. Može se prihvatiti da je donekle bila sporna podjela 60% sredstava namjenjenih za rad klubova gradskih vijećnika jer nije bilo jasno koliko je klubova i koji gradski vijećnik pripada kojem klubu, ali raspodjela dijela od 30% se nesporno znala već od 06. februara, jer se već tada znalo koje se političke stranke zastupljene u Gradskom vijeću. Pitanje je kada će ova sredstva biti uplaćena političkim strankama.“

Odgovor:

Sredstva za rad političkih stranaka koje imaju mandate u Gradskom vijeću Grada Sarajeva za mjesec februar i mart 2017. godine obračunata i uplaćena, nakon dostave potrebne dokumentacije od strane Službe Gradskog vijeća Grada Sarajeva (u skladu sa članom 7. Odluke o raspodjeli sredstava Budžeta Grada Sarajeva planiranih za rad klubova gradskih vijećnika), u skladu sa članom 3. stav 1.a i u skladu sa članom 6. Odluke o raspodjeli sredstava Budžeta Grada Sarajeva planiranih za rad klubova gradskih vijećnika.

Takođe, sredstva za rad klubova gradskih vijećnika su obračunata i uplaćena, za februar i mart 2017. godine, onim klubovima gradskih vijećnika za koje nam je od strane Službe Gradskog vijeća dostavljena dokumentacija (u skladu sa članom 7. Odluke o raspodjeli sredstava Budžeta Grada Sarajeva planiranih za rad klubova gradskih vijećnika), u skladu sa članom 3. stav 1.b i stav 1.c, kao i članom 6. stav 2. Odluke o raspodjeli sredstava Budžeta Grada Sarajeva planiranih za rad klubova gradskih vijećnika.

Almedin Miladin, vijećnik, uputio je vijećničku inicijativu sljedećeg sadržaja:

"U Općinskom vijeću Stari Grad je pokrenuta inicijativa za uređenje šetnice na Darivi i već su pokrenute određene aktivnosti u tom pravcu. U toku je usaglašavanje nadležnih subjekata s ciljem izmjena regulacionog plana kojim se regulira prostor Bentbaše. Bilo bi dobro da i Grad Sarajevo podrži ovu aktivnost."

Odgovor:

Nacrt Zakona o proglašenju zaštićenog pejzaža "Bentbaša" donesen je na 23. sjednici Skupštine Kantona Sarajevo, koja je održana 05.12.2016. godine.

Nakon donošenja Zakona o proglašenju zaštićenog pejzaža "Bentbaša", potrebno je prema Zakonu o zaštiti prirode FBiH pripremiti i donijeti Pravilnik o unutrašnjem redu, Plan upravljanja i Prostorni plan područja posebnog obilježja. Svi ovi dokumenti, kao i prethodna procedura donošenja Zakona, bit će predmet javne diskusije.

Zaštićeni pejzaž "Bentbaša" predstavljao bi zaštićenu zonu, koja je namijenjena uglavnom za konzervaciju pejzaža i rekreaciju. Zaštitom Bentbaše, zatvara se jedan zeleni prsten sa stanovišta očuvanja šumskih resursa koji imaju nemjerljivu funkciju u smislu očuvanja zraka. Čitavo područje će svakako biti posebno vrijedan resurs u smislu razvoja turistički potencijala, rekreacionih zona, kulturoloških sadržaja i ekonomskih djelatnosti.

Pravilnikom o unutrašnjem redu bliže će se urediti pitanja i propisati mjere zaštite, očuvanja, unapređenja i korištenja zaštićenog područja i drugih zaštićenih prirodnih vrijednosti. Donošenje Pravilnika je u nadležnosti Upravnog odbora, uz prethodno pribavljanje saglasnosti Ministarstva prostornog uređenja i zaštite okoliša Kantona Sarajevo.

Upravljanje zaštićenim područjem provodiće se na osnovu Plana upravljanja zaštićenim područjem, koji sadrži politiku i ciljeve, smjernice zaštite i izvođenja plana. Donošenje ovog Plana je u nadležnosti Vlade Kantona Sarajevo.

Organizacija ovog prostora, način korištenja, uređenja i zaštite prostora, urediće se Prostornim planom područja posebnog obilježja Zaštićeni pejzaž "Bentbaša", čije je donošenje u nadležnosti Skupštine Kantona Sarajevo.

Vedran Dodik, vijećnik, uputio je vijećničku inicijativu sljedećeg sadržaja:

"Nadležnost Grada Sarajeva je briga o koritu rijeke Miljacke i njenih pritoka. I sve što podrazumijeva se pod tim u širem smislu. Tako i mostovi, koji su, opet ću se sjetiti nekadašnje gradonačelnice, zablistali u njenom vaktu kad je vršila iluminaciju, a mi smo sjedili u tom Gradskom vijeću, ja i gospodin Katica i sjeća se on toga. Najveći broj turista koji dođe u Sarajevo autobusima dođe na područje između Vijećnice i bazena i tu im je prvi dodir sa asfaltom u Sarajevu. Tu izađu, pa onda idu u šetnju i kad idu nazad opet se tu vrate. I mogu da kažem da su svjedoci jednog rugla šireg područja. Znači oko Isa begove tekije i tamo tog dijela. A konkretan ću biti....pješački most koji spaja magistralni put Sarajevo-Višegrad sa Babića Baštom je u očajnom stanju. Nekad je imao i rasvjetu, a sad je nema. Drvena ograda se raspada. I takođe, bilo bi dobro da se Grad uključi i vezano za brigu o započetom arheološkom istraživanju lokaliteta Isa begove tekije, koje nije završeno i gdje se u otvorenom iskopu skuplja smeće i glodari."

Odgovor:**ILUMINACIJA MOSTOVA**

U periodu od 2007. do 2010. godine, osim realizacije Projekta rasvjete Bašćaršije, koji je zahtijevao i prethodnu sanaciju krovova, streha, oluka i fasada objekata, realizovan je i Projekat rasvjete mostova na Miljacki (Šeher-Čehajina ćuprija, Novi most kod Vijećnice, Latinska ćuprija, Ćumurija, Čobanija, Ajfelov most, Drvenija i Most Suade i Olge).

Navedeni Projekti su bazirani na upotrebi nove tehnologije LED svjetla, koja se prvi put pojavljuje u našoj sredini, te se realizirala u saradnji sa Kantonalnim zavodom za zaštitu kulturno-historijskog i prirodnog naslijeđa Sarajevo i Zavodom za izgradnju Kantona

Sarajevo, koji je vršio stručni nadzor. Zahvaljujući novoj rasvjeti, Bašćaršija i mostovi su prvi put dobili atraktivnu rasvjetu.

Mostovi na Miljacki su jedan od reprezenata u noćnoj slici grada. Projekti iluminacije su relativno skupi u izvedbi, a nakon realizacije projekta, veliki problem se javlja u održavanju, jer iluminacija ne spada u redovna održavanja gradske javne rasvjete.

S obzirom na vrijednost realiziranih projekata, te u cilju što boljeg iskorištenja i funkcionisanja iluminiranih mostova, neophodno je permanentno održavanje koje obuhvata: mjesečni ili sedmični obilazak i pregled osvijetljenih mostova, izmjene rasvjetnih tijela (sijalica), čišćenje lampi, fino štimanje postavljene rasvjete (povremeno, rasvjetna tijela treba ponovo usmjeriti ka objektu), moguća popravka rasvjetnih tijela i opreme itd.

U cilju praćenja i rješavanja problema, te što boljeg iskorištenja i funkcionisanja javne rasvjete, u prethodnim godinama održano je nekoliko sastanaka sa predstavnicima nadležnog Ministarstvo prostornog uređenja i zaštite okoliša Kantona Sarajevo, te istim upućeni i dopisi od strane Gradske uprave Grada Sarajeva.

S obzirom na trenutno stanje oko održavanja javne rasvjete u Kantonu Sarajevo (nadležno Ministarstvo komunalne privrede i infrastrukture KS, održavanje povjereno KJKP "Park"), Gradska uprava je ove godine pokrenula aktivnosti u cilju održavanja rasvjete navedenih mostova.

Ukoliko Općina Stari Grad nije planirala sanaciju pješačkog mosta na Babića Bašti, Grad Sarajevo može inicirati realizaciju navedenog u narednoj godini, za što je potrebno planirati budžetska sredstva za izradu neophodnog Projekta sanacije mosta, Projekta rasvjete mosta, kao i sredstva za realizaciju istih (izvođenje radova).

ISA BEGOVA TEKIJA

Komisija za očuvanje nacionalnih spomenika BiH, na sjednici održanoj 16. marta 2005. godine, donijela je Odluku kojom je prirodno-graditeljsku cjelinu Isa begova zavija (tekija) proglasila nacionalnim spomenikom Bosne i Hercegovine („Službeni glasnik BiH“, broj 29/05).

Nacionalni spomenik se sastoji od: arheološkog lokaliteta Isa-begove tekije i mezarja derviša u avliji, lokaliteta Šehove korije sa vrelom Ebu Hayat, dva derviška nišana i pećinom-ćilehanom.

Odredbama člana 2. Odluke definisano je sljedeće:

Vlada Federacije Bosne i Hercegovine dužna je da obezbijedi pravne, naučne, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnog spomenika.

Vlada Federacije dužna je da obezbijedi sredstva za izradu i sprovođenje potrebne tehničke dokumentacije za rehabilitaciju i prezentaciju nacionalnog spomenika.

Komisija za očuvanje nacionalnih spomenika će utvrditi tehničke uslove i obezbijediti finansijska sredstva za izradu i postavljanje informacione table sa osnovnim podacima o spomeniku i odluci o proglašenju dobra nacionalnim spomenikom.

Adnan Talić, vijećnik, uputio je vijećničko pitanje sljedećeg sadržaja:

"Kojih i koliko planova, izmjena i dopuna regulacionih planova je pokrenuto u 2016. godini na Gradskom vijeću, a da isti još nisu dovršeni od strane Zavoda za planiranje i dostavljeni Gradskom vijeću na konačno usvajanje, kao i postoji li eventualna procjena kad bi isti regulacioni planovi mogli biti završeni. Razlog ovakvog pitanja je apsolutno stopiranje gradnje u obuhvatima za koje su pokrenute aktivnosti na izradi, odnosno izmjeni regulacionih planova, a isti nisu zaštićeni."

Odgovor:

U toku 2016. godine, na sjednicama Gradskog vijeća Grada Sarajeva, donesene su Odluke o pristupanju izradi regulacionih planova, i to:

1. Izmjene i dopune Regulacionog plana „Gradski centar Marijin Dvor“-lokalitet Kvadrant „B“
Odluka o pristupanju izradi Plana donesena je na sjednici Gradskog vijeća Grada Sarajeva, koja je održana 27.01.2016. godine.
Osnovna koncepcija Plana prezentirana je na Javnoj tribini, koja je održana 21.10.2016. godine u Općini Centar
U toku je usaglašavanje stavova subjekata planiranja oko urbanističkog rješenja u obuhvatu Plana.
2. Regulacioni plan „Kvadrant C – Marijin Dvor“
Odluka o pristupanju izradi Plana donesena je na sjednici Gradskog vijeća Grada Sarajeva, koja je održana 24.02.2016. godine.
U toku je izrada Osnovne koncepcije Plana.
3. Regulacioni plan „Sarajevogas - Bosnalijek“
Odluka o pristupanju izradi Plana donesena je na sjednici Gradskog vijeća Grada Sarajeva, koja je održana 26.10.2016. godine.
U toku je izrada geoloških i ažurnih geodetskih podloga za izradu Plana.
4. Regulacioni plan „Zabrđe“
Odluka o pristupanju izradi Plana donesena je na sjednici Gradskog vijeća Grada Sarajeva, koja je održana 27.07.2016. godine.
Dopisom od 26.09.2016. godine Općina Novi Grad je obavijestila Gradsku upravu da nemaju obezbjeđena sredstva u 2016. godini za izradu Plana, te će ista obezbijediti u 2017. godini.
Sporazum o izradi Plana, koji je potpisan od strane Zavoda za planiranje razvoja KS i Gradonačelnika Grada Sarajeva, dana 19.04.2017. godine je upućen Načelniku Općine Novi Grad Sarajevo na potpisivanje.
5. Izmjene i dopune RP „Hepok-Čengić Vila III“ - po skraćenom postupku
Odluka o pristupanju izradi Plana donesena je na sjednici Gradskog vijeća Grada Sarajeva, koja je održana 27.04.2016. godine.
Dopisom od 10.07.2016. godine Općina Novi Grad Sarajevo je obavijestila Gradsku upravu da nemaju obezbjeđena sredstva u 2016. godini za izradu Plana, te će ista obezbijediti u 2017. godini.
Sporazum o izradi Plana između Općine Novi Grad Sarajevo, Zavoda za planiranje razvoja KS i Grada Sarajeva, potpisan je u februaru 2017. godine.
U toku je izrada geoloških i ažurnih geodetskih podloga za izradu Plana.

Toni Vukadin, vijećnik, uputio je vijećničku inicijativu sljedećeg sadržaja:

„U maju mjesecu se u Sarajevu održava festival „Osmjeh Sarajeva“ koji je, uz Teatarski festival MESS, vjerovatno najveći pozorišni festival koji je održan u Sarajevu od rata, ako ne i ranije. O kvalitetu festivala govori najbolje to što će učesnici biti Kazalište „Kerempuh“ iz Zagreba, koje je najveće satirično pozorište u regiji, te Makedonsko narodno pozorište, Jugoslovensko narodno pozorište iz Beograda i druge ugledne kuće. Organizatori su u dobroj mjeri već obezbijedili sredstva, ali mislim, da bi za Grad Sarajevo dobro bilo da se uključi u taj festival i isti podrži.“

Odgovor:

Agencija „Media Time“ d.o.o. obratila se Gradskoj upravi Grada Sarajeva sa molbom za finansijsko učešće u realizaciji projekta iz oblasti kulture pod nazivom „Osmijeh Sarajeva“, festival komedije koji se prvi put održava u našem gradu. Dana 18.04.2017. godine u prostorijama Službe za obrazovanje, kulturu i sport održan je sastanak sa g. Podžić Nedžadom, predstavnikom Agencije zbog detaljnijeg upoznavanja sa spomenutim projektom. Tom prilikom od podnosioca zahtjeva zatražena je dopuna dokumentacije u skladu sa važećim propisima Gradske uprave o finansijskoj podršci. S obzirom na to da su vrlo uspješne teatarske kuće iz regije potvrdile učešće smatrali smo da festival treba podržati, te smo u tom smislu dostavili stručno mišljenje Gradonačelniku.

Gradonačelnik Grada Sarajeva mr. Abdulah Skaka zauzeo je pozitivan stav u vezi davanja podrške organizaciji festivala „Osmijeh Sarajeva“, a koja će biti realizirana u narednom periodu u skladu sa finansijskim mogućnostima Grada.





Broj: 01-05-2692/17
Sarajevo, 17.05.2017.godine

Grad Sarajevo
GRADSKO VIJEĆE GRADA SARAJEVA
Dr. Igor Gavrić, predsjedavajući

Bosna i Hercegovina - Federacija Bosna i Hercegovina
Kanton Sarajevo - GRAD SARAJEVO
GRADONAČELNIK

PRIMLJENO:	17-05-2017	
Original broj		Vrijednost
01-05-864/17		86

Predmet: Dopuna odgovora na vijećničko pitanje, 01-02-596-10/17
- vijećničko pitanje vijećnika Adnana Talića

Dopisom Gradonačelnika Grada Sarajeva, broj 01-05-2570/17 od 11.05.2017.godine (zaprimljen u Gradskom vijeću 15.05.2017.godine), dostavljeni su odgovori na vijećnička pitanja.

S tim u vezi ovim putem Vas obavještavamo da je došlo do tehničke greške u odgovoru na vijećničko pitanje Adnana Talića, te Vam dostavljamo dopunu odgovora, tako da se dostavljeni odgovor dopunjava sljedećim tekstom:


" U vezi gore navedenog, a na osnovu člana 5., 6. i 7. Uredbe o jedinstvenoj metodologiji za izradu planskih dokumenata („Službene novine Federacije Bosne i Hercegovine“, broj 63/04, 50/07 i 84/10) Gradonačelnik Grada Sarajeva, u svojstvu Nosioca pripreme Plana, donosi Program i plan aktivnosti za pripremu i izradu svakog pojedinačno regulacionog plana, koji se dostavlja Gradskom vijeću Grada Sarajeva na uvid prilikom razmatranja i usvajanja Odluke o pristupanju izradi regulacionog plana.

Izrada planske dokumentacije u redovnoj proceduri, poštujući odredbe Zakona o prostornom uređenju KS, pomenute Uredbe i Zakona o javnim nabavkama BiH (za izradu podloga), traje približno dvije godine, odnosno ne može se usvojiti planski dokument u istoj godini kad su otpočete aktivnosti na njegovoj izradi. Kada se planski dokument radi po skraćenom postupku, ovaj rok može biti i znatno kraći”.

S poštovanjem,

Gradonačelnik Grada Sarajeva

mr. Abdulah Skaka



Prilog: Dopis broj 08-36/17 od 11.05.2017.g.

Dostavljeno:

- Naslovu
- Evidenciji

